

集部

欽定四庫全

工士百集部

謄 録監生臣陳長春

主事臣呂雲棟覆勘

詳校官石中九日薩 敏

則分理藩條中 **人夫江南西路安撫** 差遣事具悉股肱 宫觀差遣不允詔 撰

得並立於朝忠厚之風斯復馬在勉安乃職式副者懷所 請宜不允故兹諂示想宜知悉秋熟卿比平安好遣書 平時此大臣與朕同所宜憂者覽卿所陳乃以立朝多 枯不多及 之謀咸欲如卿彼嘗更言責而有所抨彈者是将舉不 初豈獨不能保卿始終待遇之意尚使人人處患自為 厥心又何福患之有別卿謂朕能施恩於拔擢進用之 怨意有避就則過矣卿既以直自許計在官之事必公

欽定四庫全書

文已日后 ··· 於色成功可以朕用嘉之中臺常伯班秩雖高顧卿綿 二人往馬庶克諭回兩宫平定邦國選於在列肆以 公在秦陰飴甥一言而秦伯乃歸晉君楚漢方爭侯生 說項王而太公日后復還於漢今上天悔禍强敵欲 乃聞慨然起任吾事惟忠誼有激於內而幾微不見 信使繼通約好在此思得辨志之士專對之才如彼 松年省所奏辦免工部尚書恩命事具悉昔晉恵 賜新除工部尚書胡松年辭免恩命不允詔 北海集 =

齊花門勞機務之繁優假真祠之逸惟乃心王室能忘 捨為行蔵大臣立朝寄安危於進退卿中蘇政柄出雅 勅 國步之籍顏無愈老臣用倚帥潘之託賜環趣召奸節 兹詔示想宜知悉 歷二省可以序進朕意恨薄尚何足辭所請宜不允故 頤浩省所割子奏辭免恩命事具悉君子處已以用 再辭免恩命不允記 賜新除建康府路安撫大使兼知池州日 頤浩

業三炒家司之峻亦既累年再辭魁柄之崇宜加異數 眷懷勉圖克復之功母徇為謙之節所請宜不允故兹 來朝蒼生之望素高元老之敵益壮垂紳正笏精神 詔示想宜知悉 可以折衝緩帶輕裘談笑何難於卻敵維吾舊德宜體 頤浩省所奏解免恩命事具悉卿事朕難難為時熟 辭免恩命不允記 賜觀文殿大學士提舉臨安府洞霄官吕頤浩 止海集

安好遣書指不多及 應識保全之意優游晚歲母忘兢慎之思其即欽承尚 迫人言之存至恨朕意之其伸収建旄開府之儀更秘 金写四屋 白雪 隆儒之職用罷光於故獨俾休逸於殊庭終始厚思 頤浩省所奏乞除一合得職名事具悉朕惟古者任 遊避所請宜不允故兹語示想宜知悉秋冷卿比平 司却除一合得職名不允詔 賜吕頤浩乞収還節度使印鐵落開府儀同

之官自是熟賢之器卿有大德於朕有大功於時既宣 往體者懷毋勞遜避所請宜不允故兹詔示想宜知悉 纛前驅用佐先聲之震問三棍在著尚期舊徳之來歸 為宜在朕心而無數别分臨於臣屏煩坐鎮於長江六 府之儀併侈将旄之竈務隆異數特越常規視人望以 衛上之忠遂陟東釣之任雖云免政豈不念勞肆開公 人各有定位功高者厥禄厚德威者其爵尊故知將相 賜尚書左僕射同中書門下平章事吕頤浩等 上每来

無辜夕傷以懼將深戒於不治方引咎以責躬忽覽奏 函力祈分譴震於夙夜方且畏天之威移之股肱亦豈 朕之所欲宜思勵異用副憂勤撫綏失業之氓助宣保 御筆批天之降炎 緣朕失德方聲懼未寧遽得頤浩所 居上軫聖慮乞待罪事具悉朕惟失德孽久示災延及 **勅頤浩省所上表奏今月二十二日越州遺人延燒民** 上表欲與朕分譴盆明愧戢可降詔安慰之 為火災待罪不允詔

宜知悉 相之職無所不統別左右史乃其所属時政記乃其所 勅 民之意各安殿位勿復有陳所請宜不允故兹站示想 有紀授之秘府日而歷之則者作有官此其緊也顧字 詳史事人君之言動則起居有注輔相之經綸則時政 顾浩省所衛子秦辭免恩命事具悉自前世以來致 浩辭免監修國史思命不允詔 賜特進尚書左僕射同中書門下平章事吕頤 -

典方以屬卿勉副朕懷毋復謙避所請宜不允故故記 軍國務繁卿獨不能以庶政餘隊董成兹事乎一代大 示想宜知悉 際記事多缺肆命攸司舉行厥官則委卿監總固其宜 昔張說以舊相居邊鎮即軍中修史今雖我馬未息 而秘府三館則又舊制所兼隸也朕方深念艱難 賜 極密院事都督江淮荆制路諸軍事召頭浩 特進尚書左僕射同中書門下平章事兼知

多定匹庫全書

卷十三二

宣其禮哉肆推茂思斷自朕志今卿乃以異時僥倖者 為戒引誼力辭殊失厥古宜識兹意勿復重陳所請 忠勤誠至不憚暑行而於其所私曾弗內顧在朕其可 勅 忘之別方倚卿以圖那國再造之功而卿之息則未 命事具悉卿再登元輔當立大勲比總六師往督諸道 0.12.11 頤浩省所上割子奏辭免男抗撫除職名賜章服恩 服恩命不允詔 免長男承議即抗決男宣教即無除職名賜章 止毒集

益而上有用言之效安得遇事必言而言之必可行者 自昔稱難而人主聽言尤為匪易伊欲天下有盡言之 動直柔省所奏辭免恩命事具悉朕躬優籍難鑒既往 不憚屈已從之惟恐下情之壅於上聞也然人臣進言 之失廣直言之路開無諱之門凡白簡所彈皂囊所論 及 不允故兹記示想宜知悉夏熱卿比安好遣書指不多 賜新除御史中丞富直柔辭免恩命不允詔

其 哉卿天資直該綽有祖風諫垣瑣聞納忠多矣不能不 勅安宅省所奏辭免恩命事具悉周漢二宣皆中興主 想宜知悉 務而已朕用嘉之肆進汝位長兹風憲之司俾率乃僚 計動中事會盖夫二者之難求適厥中期於濟國家之 聞正論往體眷意何以辭為所請宜不允故兹記示 八所歌既以任賢使能為宣王美而史養孝宣之治 賜新除工部侍郎賈安宅辭免思命不允詔 上每集

詔示想宜知悉 精 攸司亦卿故領庶幾任使之廣必值於賢能而綜核 懷資善之遊厥有甘盤之舊召還瑣闥盆勵靖共冬官 慕馬惟卿發策妙齡踐揚最久安恬知止勇於退休緬 至于技巧工匠器械後世鮮及以見吏稱職之効朕甚 弟遺於工技勉助於治無庸固辭所請宜不允故兹 不允詔 賜新除龍圖閣直學士知泉州樂份辭免恩命 2

塞兵等不解用度日滋及胡馬冠江毒流荆制民力既 熱樂份省所奏辭免恩命事具悉自南幸以來中原梗 往祇成命勿復謙辭所請宜不允故茲詔示想宜知悉 逸念賢勞之已久宜誠怨之重違改職守藩時維常典 精明獨幹民曹于沒兩歲不動聲色的給以充非才智 屈儲會一空而警蹕屢遷益繁供億卿器識沉清心計 文正日三 八十 有餘孰堪其事方茲進位倚以成功乃力抗章願從均 賜新除殺猷閣直學士淮南東西路宣撫使於 4 北海集

當伸於知已欣然從命而猶以疾病不能為解朕甚疑 故兹詔示想宜知悉 庶品付以至公之道無容心馬通者臨遣上將宣威淮 之卿之獲此盖必有見取者矣其尚何辭所請宜不允 倚以成功重違其請肆陞學士之職俾養幕中之畫謂 甸凡厥祭佐聽以自擇而有言於朝者首願得卿顧方 伯友省所奏辭免恩命事具悉朕於裁度萬務待遇 謀官宋伯友辭免恩命不允詔

高第當遷實才堪稱伊欲人勵思無邪之志肆俾卿專 朝廷之體務與延於忠謹用開廣於聰明卿時之老成 肯來何止單言 **而寤意履臺端之春歲倡國是於一時** 邦之司直項就開於鄉曲每騰譽於措神追兹三聘 心而受盡言推抑世權以伸風憲之威張明紀綱以正 勅 執法之司惟有知而必言無不絕而自肅若乃収大 辛炳省所奏辭免恩命事具悉朕當膽而懲大難虚 賜新除御史中丞辛炳辭免恩命不許詔 而

武昌控引秋浦上下千里占江表形勝之地宿師遣成 **動定匹庫全書** 向已屬卿增壯軍容爰加使號盖圖乃續顧匪朕私 勅岳飛省所奏辭免恩命事具悉朕以九江之會襟带 允故兹詔示想宜知悉 用備聞斯語深沃朕心勉卒令献母留成命所請宜不 才以振風俗開公道以一 賜神武副軍都統制岳飛辭免思命不允詔 權綱責實而修誠崇儉而節

尤所於頼兒童識其姓字草木間其威聲則夫進秋任 使恩命事具悉朕留與東南憂深西顧舉俠蜀之計 3. 7. 請宜不允故兹詔示想宜知悉 極臣関其久勞召還入輔重惟布宣威德撫循兵民 法原省所奏辭免龍圖閣學士充川陝宣撫處置副 道豈特為卿褒龍亦以慰彼民之望其尚何 法原辭免恩命不允詔 賜新除龍圖閣學士充川俠宣撫處置副使 辭 付

命顏今行之莫及且衆選之已詳既云竭力於籍虞母 勅程瑪省所奏辭免恩命乞宫觀事具悉人臣之忠尤 卿比安好遣書指不多及 復執謙於辭遜所請宜不允故兹詔示想宜知悉夏熱 中權盡護諸將河圖峻職增賣戎胎胡為抗章猶爾避 外之人稔厥治行秦雍山西之士服其風聲是用參昇 孰克代之俾任吾事以卿位列常伯名髙本朝巴梁劍 賜新除兵部侍郎程瑀辭免恩命不允詔

亦以是望于卿耳口體之養於親美有惟卿既然學古 難於盡言君子之孝莫大於養志卿舉職東省遇事必 身行道楊名於後世以顯父母孝之終也二親之志其 陳既得盡言之美朕用嘉之載從推擇進貳夏官時乃 **独語示想宜知悉** 次遷理無足避顧以親老自列遂求退聞經不云乎立 之道在君親之際應之宜熟夫尚何辭所請宜不允故 賜左朝奉大夫試尚書刑部侍郎兼權吏部侍 上海美

義母煩避寵之辭所請宜不允故茲詔示想宜知悉 精深之學直諒之資時之醇儒古之益友頃從禁掖當 銀定四庫全書 列屬虚進讀之常員惟舊是圖在今為稱往懋盡規之 侍經惟有嘉篤實之誠每竭紛綸之辨既復論思之近 勃交修省所奏辭免兼侍讀恩命事具悉朕講道藝於 干戈之隙訪鴻碩於政事之餘庶博所聞以輔不逮卿 賜左朝奉大夫新除兵部尚書趙子書辭免恩 郎胡交修辭免無侍讀恩命不允詔

事豈有嫌於同姓盖莫值於真才今卿立朝自我作古 雖久襲偶别之盛固不乏人而間持從素之榮未當在 請宜不允故兹語示想宜知悉 益詳閱試庶盡猷為其戮力於囏虞母執謙於辭遜所 勃子畫首所奏辭免恩命事具悉眷我國家教行宗屬 つい リート 地所居自稱無適不宜肆還正於貳卿俾分釐於武部 缺文沒舉既更禮學之清司密旨是承復真樞機之要 命不允詔 上每集

趣還於宿衛仰盡復於官聯朕不乃忘卿當馬報尚益 眷我爪牙之舊困於口舌之煩坐廢遠方候更累歲用 勤勞具在艱險不渝朕聽鼓擊而有思悼干戈之未戰 圖於忠力毋過飾於謙辭所請宜不允故茲記示想宜 勅劉錫省所奏辭免恩命事具悉卿才略天資勲名世 顯入典禁廂之舊出分邊間之憂克嗣前人為時宿將 管殿前公事劉錫辭免思命不允記 賜捧日天武四廂都指揮使明州觀察使權主

知悉 疎斥而莫留有既予心實動乃眷起於瘴海流離之後 懷思舊人方霸府初開自難難之共濟暨皇家再造奉 勃延禧省所奏乞除在外宫觀差遣事具悉防降多士 付以便邦偃息之優式資愷悌之風已報循良之政連 疾還欲就開雖持橐居中未克在補過拾遺之列 **乞除在外宫觀差遣不允詔** 賜龍圖問直學士左朝奉大夫知處州耿延禧

銀定四庫全書 事所請宜不允故兹詔示想宜知悉春暖卿比平安好 而析符於外姑欲圖承流宣化之功毋復有陳勉共乃 遣書指不多及

勅李回省所奏乞除一宫觀差遣事具悉頃分政府往 とこうこ 欽定四庫全書 東朝由寮家之不虔致軍民之弗清肆圖宿望更領 北海集卷十四 謟 諂 密院事李回辭免恩命乞除一官觀差遣不允 賜新除端明殿學士朝議大夫權同知三省 北海集 宋 撰 樞

劫李回省所衛子奏乞除一官觀差遣事具悉朕以中 道路方長賴總齊於庶務亟安爾位用寬朕憂所請宜 不允故兹詔示想宜知悉夏熱卿比安好遣書指不多 新 行臺複秘殿之班聯視輔臣之儀物眷懷良舊寵命維 何以嫌疑欲從開散顧晨昏久發前迎該於慈聞而 無知洪州李回乞除一官 觀差遣不允記 賜資政殿學士左中大夫江南西路安撫大使

金江口尼台電

書指不多及 知 續方兹倚賴遽欲求開引疾自言殊非所望 惟舊勞則 原未定夙宵疚懷巡省治兵駐於吴會眷言豫章則吾 託所請宜不允故兹韶示想宜知悉春寒卿比安好遣 廟堂往命帥事驅攘羣盜綏輯渡民勤勞踰年休有成 西屏内無江表北控淮右非老成重望孰克鎮之卿由 體國而即護可以折衝勉親樂石之良用副藩宣之 賜新除端明殿學士左朝奉郎充江南東路安 7 比海集

之託亞祇成命勿事牢解所請宜不允故兹詔示想宜 其職而宣威方面無以踰卿肆性秘殿之華以壯長城 选用其在朝則矢謨禁闊為腹心之臣在外則折 勒李光省所奏辭免恩命事具悉朕惟侍從之賢出 **邦膺屏翰之寄時有緩急任隨重輕朕方擢** 軍宣撫使李光辭免恩命不允詔 撫大使兼知建康府充壽春府滌濠和州無為 卿從班首 衝

金万四周至言

宜知悉 知悉 勒李光省所奏辭免恩命事具悉為國之患在於有賢 任首六聯位次二府需賢而用今始得卿胡為抗章 濟務之材綽有餘裕措神所賢而朕所知也天官常 友正日臣 小小 爾遊避函私成命庸副朕懷所請宜不允故兹詔示想 而不能用卿學行修飭識慮通明許國之誠慨然有為 賜新除吏部尚書李光辭免恩命不允詔 北海集

請宜不允故兹詔示想宜知悉 勅 近續効已聞就正殿官孰曰不可别方倚以使事之重 **貳卿致詳者如此卿以疏通之才司那** 轉絕域送之以禮寵命是宜其即飲承無勞遊避所 則上之用人也審循次而進則士之居位也安朕於 則為真而唐制要官亦件權知久乃正授盖已試 柳約省所奏辭免恩命事具悉告漢官有試守者滿 賜新除户部侍郎柳約辭免恩命不允詔 國之計閉時雖

請宜不允故兹語示想宜知悉夏熱卿比安好遣書指 潘方之寄還陞延閣用貴左符往體恩私母勞遜避所 座方圖宿望俾杆外虞與其屈祭相幕之行昌若專委 勅 不多及 彌大省所奏辭免恩命事具悉卿歷事三朝再登八 賜新除户部尚書李彌大辭免恩命不允詔 賜新除顯謨閣直學士左朝請郎知平江府李 彌大辭免恩命不允詔

藝民力屈財用彈至於斯極矣朕方與衰撥亂經營四 緊 老成是賴母留成命庸副朕懷所請宜不允故兹 使民不因而用足者以任吾事維卿靖重之操詳練之 示想宜知悉春暄卿比安好遣書指不多及 方而軍賦所資為尤急必有為朕裁理調度知取知予 彌大省所奏辭免恩命事具悉自兵與以來費出 数歷三朝為時宿望比還省户未復舊班進長地官 賜新除祭知政事程汝文辭免恩命不允詔 無

金片四月全書

を己可良 韶示想宜知悉 題楊賛經綸亦卿之志也夫尚何辭所請宜不允故兹 時宿望虚竹舊矣屬輔臣未備物色其人想見儀刑起 無老成人尚有典刑朕今自喜得老成之助則發其 所 将俾濟嘉該於廊廟擢陪大政遂斷不疑詩不云乎雖 之田里進對之際深契朕心顧豈勞承密肯於蠻坡盖 勅汝文省所劉子奏辭免恩命事具悉卿侍從三朝為 賜恭知政事程汝文乞除在外一官觀差遣不 L. Lim I 北海集

想宜知悉 匪朕欲聞勉協乃心以永終譽所請宜不允故兹詔 不逮 朕 勅汝文省所上劄子奏乞除在外一官 觀差遣事具悉 優兹難運憂畏靡寧所賴二三大臣合誠交偷用輔 外攸屬曾亡間言何嫌何疑而弗安厥位乞骸之 別仰以先達宿望同性廟堂久懷嘉謀庶克有濟 賜新除太尉依前武成感德軍節度使神武左 光諂 示 語

金少正是人

卷十四

服乃峻策勲之典俾升掌武之班朕既知卿狗國之勞 勘於用賞人臣之有功常說於見知卿出總王師往行 勃世忠首所劉子奏辭免思命事具悉人主之與事當 卿宜悦此褒功之意亟祇成命何用深辭所請宜不允 天討一鼓而平甌粵再舉而臨湖湘妖孽悉除逋逃自 不允詔 食邑五百户食實封二百户韓世忠辭免恩命 軍都統制福建江西荆湖南北路宣撫副使加 北海集

難 **気浸既清淮泗之衝潘籬未固惟卿志無遺慮勇不辭** 請宜不允故兹詔示想宜知悉 既魚将相之名宜狗邦家之計忠勤有素謙遜何為所 勃世忠省所劉子奏辭免恩命事具悉朕以湖湘之境 故兹詔示想宜知悉 酬其前勞乃視儀於大府加之今授盖倚重於長城 諂 賜新除開府儀同三司韓世忠辭免恩命不允 卷 +

任将顏何所事盖欲有為如繼立奇功進圖遠略既削 已而傾然糜之入以養兵慎於官人而極臣隣之龍以 故兹詔示想宜知悉 而建府臨淮甸以宣威豈曰朕私時惟國計師言成移 平於多壓将綏定於中原追此策數適當遣戍擬台司 廟勝可期毋煩謙遜之辭式副憂勤之念所請宜不允 世忠省所再上割子奏辭免恩命事具悉朕薄於奉 賜韓世忠再上劄子辭免思命不允詔

銀定匹庫全書 陳中懇薦貢忱辭欲消貪凱之風願保謙冲之節載觀 **亚用誰能去兵四海未安注意在将故不爱三軍之費** 思厚報毋執小廉往體眷懷亟祇成命所請宜不允故 信賞兹屯淮泗宜有寵行進號儀同式循典故而乃深 以投其力不遺一戰之勞以勤其功卿昨定湖湘未加 于守益數爾賢然爵於朝而盡公則令惟行而難返第 世忠省所三上劄子奏辭免恩命事具悉朕惟五材 賜韓世忠三上劄子辭免思命不允詔 卷: 四1

兹詔示想宜知悉 多方宿負往怒咸與更始别卿頃當遠謫亦既召還扈 勒仲首省所割子奏群免恩命事具悉朕祇畏天戒肆宥 法當叙所請宜不允故兹詔示想宜知悉 衛勤勞彌見忠謹而旄鉞未復有歎朕心屬更需恩在 命不允詔 總指揮使權主管殿前司公事郭仲尚辭免恩 賜新除武奉軍節度使依前侍衛親軍步軍都

節爰錫徽章假貳公亞保之崇仍六纛元戎之舊用光 壇名将軟,閱故家久扈殿嚴顧閱勞於宿衛出臨海道 将倚重於蕃宣怨陳避寵之誠願罷典章之職載嘉冲 勃仲尚省所劄子奏辭免檢校少保恩命事具悉卿齊 間寄實典邦桑往體茂恩母留成命所請宜不允故兹 恩命不允詔 使兼沿海制置使郭仲首辭免新除檢校少保 賜武春軍節度使知明州軍州事兼管內勘農

一欽定匹庫全書

1

詔示想宜知悉冬寒柳比平安好遣書指不多及 |柳熟閥名家将壇宿望典司環尹祇扈殿嚴盡一意以 動仲尚省所奏割子乞罷軍職除一宫 觀差遣事具悉 辭遂有退聞之請顧爪牙之攸頼吾寝為安且精力之 周旋復再更於寒暑行管不警列衛無薛忽披懇教之 主管殿前司公事郭仲尚乞罷軍職除一官觀 差遣不允詔 賜侍衛親軍步軍都指揮使武春軍節度使權

奚用牢辭所請宜不允仍斷來章故兹記示想宜知悉 云寵矣加之方鎮于以勸勞朕敢持是而輕厥付予顏 名不可以假人今檢校官稱雖無所事而名祭公孙亦 勃仲首省所上表辭免恩命事具悉宣尼有言惟器 柳久勤宿衛兹解軍權稽按舊章當有褒進初非虚假 尚强乃勞奚避體兹眷屬姑即官常所請宜不允故兹 铅示想宜知悉 賜新除檢校少保郭仲首辭免恩命不允詔 與

金分四月全書

寄愈重貴極則責愈深凡光寵於一身欲保安於九族 德有社稷之大功棄養東朝奄經祥祭疏思外族敢後 之禮而放兹異姓之封仰慰神靈下字觀聽然位高則 勃忠厚省所割子奏辭免恩命事具悉朕惟昭慈之盛 勉追遺志何用謙辭所請宜不允故兹詔示想宜知悉 冬寒卿比平安好遣書指不多及 **彝章念其終鮮於弟兄維乃獨當於門户故用昔舅家** 賜新除信安郡王孟忠厚辭免思命不允詔 上每末

金灰四月五十 體予孝治勿事謙辭所請宜不允故兹詔示想宜知悉 事格以有司之法分為屬族之崇非曰寵私時維常典 還實宣忠恪序遷階秩用酬厥功卿選自懿親首尾在 秋冷卿比安好遣書指不多及 顧朕不獲躬致東朝之養肆命百執從衛遠行逮其來 勒忠厚省所劄子奏辭免恩命事具悉乃者戎事方繁 賜寧遠軍節度使充醴泉觀使孟忠厚辭免回 授轉官恩命不允記

濟良圖顧辭之甚堅欲留賢而不果乃錫守符之重仍 2.10.4 2.1 遠煩将命之勤借箸籌帷還頼告散之助方資戮力叶 閥名军世官有嘉濟美之才俾賛本兵之政張旃敵境 望止以本官改授一在外官觀差遣事具悉卿元勲舊 聯殿屋之華豈不念勞姑從均逸維兹禁職盖近臣出 動肖胄省所割子奏辭免新除知温州仍舊職恩命伏 辭免恩命不允記 賜端明殿學士左中大夫新除知温州韓肖胄 上海来

悉 入之儀如彼要邦實今日便安之地相攸以授假寵而 勒肖胄等省所劄子奏辭免賜馬事具悉卿昨違行 金いログとう 何必官祠始為閑退所請宜不允故兹記示想宜 聘殊封當分與駁之良俾佐驅馳之力越飛孤之險 馬 肖胄左朝奉大夫武工部尚書胡松年辭免賜 赐端明殿學士左中大夫同簽書樞密院事 不允詔 闕 次口

阻知我馬之虺隤緬想忠勤每深谷數甫結二邦之好 思推秣之宜所請宜不允故兹韶示想宜知悉 方嘉四牡之還未足償勞曷云納賜往備服乗之用第 書充大金國軍前通問副使胡松年辭免特賜 恩澤五資起發錢八百貫恩命不允詔 澤七資起發錢一千貫左朝奉大夫試工部尚 充大金國軍前通問使韓肖胄辭免特賜恩 賜端明殿學士左中大夫同簽書樞家院事 上海集

成功成九族而禄萬鍾朕豈難於優報體茲至意母復 悉卿将命出疆推誠許國惟邦家社稷之計正頼深謀 勅肖胄等首所劉子奏辭免特賜恩澤并起發錢事具 動兵四母全書 悉 道里之長併給齎裝之費歸兩官而平二國卿其勉於 則閨門子弟之私可貽纖慮肆頑渥澤用慰遠懷載瞻 多辭所請宜不允仍不得再有陳請故茲詔示想宜知 賜新除同簽書極密院事韓肖胄雜免恩命不

宜 之可平勉副眷懷母勞謙避所請宜不允故兹韶示想 於禁近之間無若老成之比進聯右府宣獨本朝之得 務實賴於智謀合二國之成必資於忠信兼此重任屬 動肖胄省所劉子奏辭免恩命事具悉朕惟恭五兵之 一知悉 出聘北方亦知韓氏之有後緊功名之是似無禍亂 世臣卿克紹家聲允為國器運籌之略專對之才求 光詔 官母久留於成命所請宜不允故兹記示想宜知悉 進執鈴衛茲圖乃續出分符竹可副朕心往亟踐於聚 **笏僅存猶若甘棠之比 判得賢於後裔宜戮力於本朝** 朕才紹立邦基緬懷世烈故國在念豈徒喬木之思遺 柳閱歲月之再周殿材飲而自見眷言勞勘宜有序運 劫尚胄省所奏離免恩命事具悉卿頃由军士推或冬 不允詔 賜新除吏部侍郎韓肖青辭免恩命改授一 卷十四 州

金片四库全書

出自世将為時虎臣宣力爪牙既多成績出屯淮楚方 陳行管置帥非復舊制而軍衛之職多缺朕甚念之卿 勒王瓊省所奏辭免恩命事具悉自籍難以來兵政寝 欽定四庫全書 北海集卷十五 誻 路宣撫使司都統制王瓊辭免恩命不允記 賜新除捧日天武四廂都指揮使充淮南東西 綦崇禮 撰

動定四库全書 平既久紀律宸隳比更亂離播棄殆盡而廟衛之職徒 王室列置主帥付以軍權號令訓齊克壮爪牙之勢承 粉工變省所奏辭免軍職事具悉國家宿兵京師密衛 想宜知悉 罷禁惟勉於大功罔於於小節所請宜不允故兹詔示 類協心持假四廂之權以示三軍之重遽披誠悃請避 武前軍統制王瓊辭免軍職不允詔 賜捧日天武四廂都指揮使慶遠軍承宣使神 松十 £.

之略不亦善乎辭遜小廉於卿何有所請宜不允故兹 是命雖休兵淮楚姑報乃行而盪冠荆湖正需爾力 大百百百八十 遣之意無怠于前僕能體朕思復舊典之心以共恢遠 铅示想宜知悉 存其名顧猶慎寵将臣而不敢輕廢者示朕區區未 日忘其舊耳卿風由忠勇分總行管将俾出師特加 免恩命不允詔 賜新除知揚州充淮南東路安撫使湯東野 Ų 北海集 踮

海實為控犯之地自分鎮以來未得其人使吾遺氓更 春暖卿比安好遣書指不多及 之任有合申事件條具申尚書省故兹記示想宜知悉 趣之官副此眷倚所請宜不允依已降指揮疾速前去 正聖哲馳舊之時卿體國有素顧欲辭難而就候耶 起當閩寄孰口不然云胡抗章猶以疾能夫天下多事 以重国肆求侍從之舊往綏撫之如卿材能者於已試 動東野省所割子奏辭免恩命事具悉朕此顧中原淮

明プロ

卷十五

地則吾境土不幸而更兵火者多矣将孰與之無凋察 推當世出入禁從為吾通臣於事君之義宜所知也今 風俗偷薄而利害之心勝士大夫從仕舉欲即安平之 勃東野省所状申尚書省乞依舊一官觀差遣事具悉 人臣事君安危不奪其節劇易不辭其事卿以材能見 諂 東路安撫使湯東野乞依舊一官觀差遣不允 賜榝猷閉直學士右太中大夫知楊州充淮南

惟精明之立斷在刺撥而有餘然而必将責吏事之能 勒與義省所劉子奏辭免恩命事具悉卿以經術之深 遣書指不多及 則非所以用儒臣之意貳卿之列掌禮是優品秋雖 既資勸講辭華之贍兼俾代言而任總鈴曹日櫻繁務 乎所請宜不允故兹詔示想宜知悉夏熱卿比平安好 而杆牧圉也哉姑悉乃心以副朕意辭難就佚得無嫌 賜新除禮部侍郎陳與義辭免恩命不允諂 同

欠别到的人… 勃與義省所奏乞除一在外宫觀或僻小一郡事具悉 無妨於視草欲賢勞之少供極清選以良宜初匪超踰 卿之求去盖屡矣而不止朕之留卿則確然而莫移顧 奚煩遜避所請宜不允故兹詔示想宜知悉 劇聞則異方訂裁容典固有頼於判經則潤色絲綸盖 不允詔 學士院陳與義乞除一在外宫觀或解小一 賜左奉議郎武尚書禮部侍郎兼侍講無權直 北海集 郡

悉 動與義省所奏辭免恩命事具悉選部酱為劇曹自南 故體兹至意母復固陳所請宜不允故兹記示想宜知 **慎可容揚秉之外遷腳雖自處之有辭朕豈尚遺而無** 番子侍從之派有此英奇之望平允甚宜於文部直清 委質事君将內外之奚擇而用人立國患賢才之未充 復見於秩宗別視草禁嚴方待宣公之中助且執經惟 賜新除吏部侍郎陳與義辭免恩命不允詔

宜知悉 首然哉亞祇厥官母留成命所請宜不允故兹詔示想 士心而見推平允也朕今擢卿於詞掖而行之選事豈 學之臣其素節雅望足以領袖後進者顧未易以厭服 **更通絕馬其肯退聽告人盖有簡要清通之目非吾儒** 庶幾能勝則又大不然夫銓綜之地多士所趙而專以 渡以來典籍散亡姦與百出或者當用文學之吏治之 77. 17.11 1.1. 賜左奉議郎武尚書吏部侍郎兼侍講兼權直 上每来

勅 金グロスとう 與義省所奏陳乞事具悉朕関勞多虞事皆草創 允韶 學士院陳與義乞除一小郡或官觀差遣並不

姦体則可乎較于朕懷申飭憲禁方頼卿等草兹弊源

者衆而州縣之員有限不足以充其求乃至逆用數年

之缺先者未至已復揭膀而待其後矣尚於是中尚容

行稍有定制但今與圖半沒仕路猶廣衣冠流離失職

而發選之法壞比命有司哀輯科係聚為成書無幾導

欠こうし ここう 徳于兹将以其用夫豈無故而遐棄之卿以碩學懿文 悉 動與義省所奏乞除一在外宫觀差遣事具悉朕建立 邦國於剥亂陵夷之後號名人材於流離 解散之餘有 所請宜不允故兹詔示想宜知悉 而遽求罷去豈朕所望如卿才能學識盖一時之選惟 乃心動乃職使吏不得用法而士無謗言朕復何慮 七除一在外宫觀不允記 賜左奉議郎武尚書吏部侍郎兼侍講陳與義 7 北海集

欲 勃與義省所奏乞除一在外官觀差遣事具悉朕惟鈴 衡人物必有清通之才勸講經帷必有鴻博之學發揮 所請宜不允故兹詔示想宜知悉 宏材蟾智來從派遠越置近嚴編閣搞辭識王言之體 天官典選得士譽之公方觀厥成克副朕志遽以疾論 輕去朝何嫌何疑而為計出此姑安乃職母復多言 賜吏部侍郎兼直學士院兼侍講陳與義乞除 在外宫觀差遣不允記

者 之宜求之在庭幾見其比人才難得國步猶難顧如卿 兹三長獲為朕用別其辭章為後來之別議論合當世 不允故兹詔示想宜知悉 張沒省所割子奏辭免思命事具悉遇者外侮憑陵 可因引疾而聽其去哉勉體眷知母徒辭費所請宜 制必有典雅之文夫然後稱卿以時望登于從班兼 院事宣撫處置使張浚辭免恩命不允詔 賜 新除檢校少保定國軍節度使依前知極密

嘉 勞 爵禄之求而進復舊疆正欲功名之勸勉膺茂命母事 遣書指不多及 異數式勵羣情胡爾好謙尚兹請避雖推原 敵及鏖兵岐下過終底於成功一戰之威三軍克振有 於西鄙盡護諸帥屢當强胡顧失利富平豈不賢於避 原梗阻整予師衆姑巡守於南邦煩我樞臣往分憂 解所請宜不允故兹詔示想宜知悉冬寒卿比安 忠略爰賜寵章假孤棘之班資建将旄之儀物併的 雅志固 非

F

卷十五

大日日日 人 競非方略之實然別後郊之已彰顧前奔之孰議載披 寄豈其微青之是尤柳威望在人誠心許國自分憂於 事具悉勝負兵家之常要以成功而為主安危大臣所 勃張沒省所奏之檢累奏賜點責别選大臣經營關俠 一面盖禦敵者三年壮志弗渝遠圖可必彼将帥之不 處置使張浚乞檢累奏賜點責别選大臣經營 關陝不允詔 賜檢校少保定國軍節度使知樞密院事宣撫 北海集

輔身荷大功佐佑弼詣正仰忠賢之力周旋思禮敢遗 劫張後省所割子奏乞罷知極密院事具悉卿任居近 安好遣書指不多及 母復多云所請宜不允故兹記示想宜知悉秋冷卿比 用林父卒成赤狄之誅得失之間遠近如此尚其畢力 來請殊拂朕懷昔楚不赦得臣徒益文公之喜而晉復 乞 罷知院事不允記 賜檢校少保定國軍節度使知樞密院事張浚

たいヨーム ニュー 勅 志母费乃辭所請宜不允仍依累降指揮赴行在故兹 朕将投箧以焚書而郭令可師卿其聞命而就道别初 詔示想宜知悉春寒卿比平安好遣書指不多及 無 敷舊之臣既屢詔以過歸猶固陳而辭位雖樂羊多謗 張沒省所割子奏富平之師當致敗積不能攘敵復 間 何所致疑行入告於嘉猷以終圖於大計勉成朕 請罪不允詔 賜 檢校少保定國軍節度使知極密院事張浚 1 北海集

虚 之誼乎其亟造朝副子注意所請宜不允依累降指 盡孝養事具悉卿之引咎陳誠屢矣而朕開 疾 過家而将 凹 火 金以口思 顧請罪於司冠以懲不敏况孀親垂老乞賜骸骨以 不 懷以俟渴聽嘉謀乃猶抗言固求歸養君臣之間 數下謂當深體母復有疑兹聞超命而來将遂入見 通 赴行在故兹諂示 朕用歉馬夫卿委質以從朕於艱難舊矣方 ·母來稔 無 73 想宜知悉春暖 非 卿 許國之素而違告人養志 卿比平安好遣 諭之 解亦 情 揮

劫張沒省所上表之許辭免先除檢校少保定國軍節 Dalow Line 書指不多及 旦追将入見乃更力解顧六纛多儀光稱本兵之任而 功 度使恩命事具悉日者卿專制行謀盡護諸将破敵岐 梁之際虜衆載殲伸威巴蜀之衝人心克固惟指縱之 既茂則褒揚之命宜先賞已定於三年恩宣移於一 定國軍節度恩命不允品 賜知樞密院事張浚乞許辭免先除檢校少保 北海集

劫張沒省所樞密奏據卿申七一外任官觀差遣 貳公顯秋雅宜輔政之司何所嫌疑毋煩逃避所請 天資事朕累年備宣勞動如卿自列朕所深知方邊報 便居住事具悉卿結髮從軍積功百戰忠誼之性出于 不允仍不得再有陳請故兹記示想宜知悉春暖柳比 平安好遣書指不多及 張浚乞一在外宫觀差遣許任便居住不允詔 賜太尉定江昭慶軍節度使神武右軍都統制 許任 宜

任總樞機雖関勞師旅之繁正倚重廟堂之望别五年 勅張沒省所奏乞在外宫觀差遣事具悉卿功存社稷 家休戚卿實同之所請宜不允仍不得再有陳請其見 其條所務以上極庭益思先事之圖母作自安之計國 所望矧士馬之蕃耗器械之有無蒐補籍修卿之職也 闕軍馬器甲條具措置申樞密院故兹諂示想宜知悉 尚新而防秋甚適正資宿将以杆外虞遽求退閒豈朕 賜 知樞密院張浚乞在外官觀差遣不允記

宜知悉秋冷卿比平安好遣書指不多及 勅詹又省所奏辭免恩命事具悉卿年如者义時謂老 素忠直忘君其趣來歸以圖遠略求閉之語匪朕所期 猶披引疾之蘇載惟上命之行禮母俟駕俯亮乃心之 所請宜不允仍依累降指揮疾速赴行在故兹詔示想 在外渴欲見卿而四輔居中久難虚位亟下遇歸之詔 辭免恩命不允詔 賜新除徽猷閣學士提舉臨安府洞霄宫詹人 卷;

뫏定匹库全書

成從朕于艱勤勞惟舊名還東省曾未淹時惜其旅力 燕間欲舊人之自近登賢禁路須論者之食詣惟卿久 兹韶示想宜知悉秋冷卿比平安好遣書指不多及 朕至恩皆卿舊物往綏壽祉母事議解所請宜不允故 動量転省所奏乞除一在外官觀差遣事具悉展訪道 之愆重煩官職之事界真祠之優麋仍延閣之近班示 蘇生監牧董耘乞除在外官觀差遣不允詔 賜端明殿學士左中大夫知饒州軍州事主管

誠姑勉治民之最遽求退避曷副眷懷所請宜不允故 兹韶示想宜知悉冬寒卿比平安好遣書指不多及 去内朝前安便郡賜環初召益思代邸之勤勞偃節 非若河東之毀譽始終不替內外何殊第堅體國之 卷十五

欽定四庫全

生書 集部

腾 録 監生臣南光城

詳校官右中允臣権

敏

主事臣呂雲棟覆勘

て、うう ではないの **小劉豫下奉使張玩等** 無使陳規奏承知隨 日酉時隨縣尉司申 六月 四 0

書級連解送本鎮無具此申奏朝廷事自遠夷結禍中 國家涵養之恩心存本朝力部偽使連書詞而來上陳 土靡寧乃眷襄隨重雅兵火尚賴忠誼豪傑之士不忘 侵展疆土孰不切齒除已將李周劉智盤柳并偽勅檄 烟倡以甚明灼見純誠良深嘉歎勉堅令節付立殊敷 火之後惟竭盡忠節上報朝廷豈忍遽從偽命令來偽 吏軍民父祖累世受本朝涵養之思二百餘年昨自兵 齊劉豫亦是大宋臣子尚敢遣人齊偽勃書强要拾降

故兹獎諭想宜知悉夏熱汝比好否遣書指不多及 動李横省德安府復州漢陽軍鎮撫使陳規奏承襄陽 遣奉使彭義并親隨郭立齊偽動機書前來到府竊以 府統制軍馬李横公文稱五月三日午時有偽齊劉豫 痛愤不已除將郭立凌遲處斬號令外所有奉使彭義 たこうしいこう 并齎到偽勃檄書並已解發赴行在去記事自遠夷結 祖父以來食大宋水土僅二百年方圖補報忽見此書 賜襄陽府統制軍馬李横獎諭勅書六月二

及 殊熟故兹獎諭想宜知悉夏熱汝比好否遣書指不 不忘國家涵養之恩心存本朝力征偽使連書詞而來 禍中土靡寧乃眷襄陽重罹兵火尚賴忠誼豪傑之士 一陳悃倡以甚明灼見純誠良深嘉歎勉堅令節付立 **宏省福建江西荆湖南北路宣撫使司奏灣** 賜武功大夫貴州團練使統制軍馬李宏獎論 月 Ł Ð

多及 汝疾惡之資出於天性體國之志備見誠心強厥渠魁 朕以馬友恃衆阻兵連年叛命戒於多殺姑務涵容而 馬友自到跋扈恣横六月一日李宏将馬友處置記事 てこう 一つ ここう 既少申於衆憤撫其部曲俾還齒於王人載覽奏陳良 勅陳彦明下一行官兵等點賊彦舟負國大恩甘心偽 深嘉尚故兹獎諭想宜知悉夏熱汝比好否遣書指不 賜陳彦明下一行官兵等獎谕勅書 北海集 八月 Ð

徒尚肩一 比好否遣書指不多及 其衆自歸本朝使臣以聞良用嘉歎已命大帥收撫師 命罪盈惡稔天罰可逃汝等各保忠誠弗從叛亂 **筝横等汝夙東至忠深明大義雖屬囏難之** 使李道雅知鄧州桑立獎諭勅書 賜武功大夫遥郡防禦使襄陽府郢州鎮撫使 李横武義大夫無閣門宣贊舎人鄧隨州鎮撫 心以圖報力故兹獎諭想宜知悉秋凉汝等 月二 /際弗 Ð

金グロガル

貳神明之鑒所臨周覽數陳良深咨歎尚其奮勵以建 順逆之宜執賊使以來歸却機書而不答臣子之誠無 滋巡省治兵久淹江表惟是六師供億調度之繁以盗 勅廣南東西等路州縣官吏等朕以中原否隔狄難歲 功名故兹獎諭想宜知悉秋凉汝比好否遣書指不多 路江南東西路州縣官吏等動書十月 賜廣南東西路荆湖南北路兩浙東西路福建 比每具 Ð

率勵各公乃心動乃職母荒失朕命務安吾民凡使者 戒躬臨遭之惟爾在官小大之臣斯亦知朕志矣其相 德意付以親礼之歷使按舉必書以務其殿最丁寧告 賊干戈誅求之苦擾吾郡邑害及生靈終夜以思當食 路循行逮諸郡縣檢察詔令平反刑獄觀問風俗宣布 便文自管徒掛墻壁使吾側但哀矜之意不能下究而 而數雖記書寬恤赦今蠲除以時而下尚處奉行之吏 元元之民靡獲需其實惠朕甚愍之肆簡忠信之使分

金グロアノ

實爾乃独於習俗行或不良將冒吾禁其灑心易處務 **養推姻閥之賢寵建戚藩兹廣合官之慶留奉祠於琳 勅慶遠軍官吏軍民僧道者壽等朕以邢煥親居后父** 想宜知悉冬寒汝等各几好否遣書指不多及 自悔革勿蹈大刑朕言必行惟明聽之母忽故兹示諭 一聞朕將即其功罪以示勘懲隨其惰修加以誅 賜慶遠軍官吏軍民僧道耆壽等示諭勃書 Ð

與圖計安邦域眷子梁獨自我祖宗寬彼政刑華異時 邢煥慶遠軍節度使充體泉觀使特封德清縣開國子 載道知遠服之增光典册告廷想犀臣之咸喜今特授 館俾遥領於龍江時維邦翰之良匪特椒房之重旌花 **動成都府潼川府利州夔州等路官吏軍民等朕既覧** 汝等各比好否遣書指不多及 食邑五百户食實封二百户故兹示諭想宜知悉冬寒 撫諭四川路動書十二月二 Ð

怨咨之氣弗起安樂之音相聞緊國家施德澤之深故 之奇急順其風俗俾終歲以邀嬉甲子再週干戈不試 威獲守險為四川之障然而師徒久役備禦尚嚴轉栗 民物極底繁之美豈虞他盗輒亂諸華流毒關中遂肆 侵陵之計垂延剱外未忘吞噬之心幸背城伸一戰之 兵間固多勞苦取民賦外諒數誅求所期輕費而永寧 しいつらんない 夫豈好動而惡逸夙宵在念焚灼於中惟暴强而弗敢 則敵當自推惟禍亂之已窮則時當自定皇天是輔行 北海集

會以北控於江淮分帥泰川俾西臨於關塞庶將復國 **勅陝西路官吏軍民等朕躬履多難力與大業勒兵吳** 成綏靖之圖王化復行終底和平之會往體至意尚肩 守半已頻殘縱蛇豕之無厭恣其吞噬靡顧黎元之禍 用克息民嗟謀畫之未良致師徒之不競委金湯而弗 不多及 一心故兹撫諭想宜知悉冬寒汝等各吃好否遣書指 撫諭陝西路官吏軍民等動書十二月二 十四

金グロガノニ

悉冬寒汝等各比好否遣書指不多及 終底和平之舊體斯至意有爾一心故兹撫諭想宜知 者罔迷於首鼠而逋逃者還齒於吾人共圖戡定之期 動某州軍官吏軍民等自釁纏朔土禍結中原不 循於凋察且備禦於侵陵母逞淫刑務行寬政無反側 **棄流毒爾泉痛切朕心是用更命近臣往護諸將既撫** 但資僭竊之臣淪陷者無路以自歸散亡者有生而皆 くこうう 撫諭 州軍動書四月 Q Ð

悔禍克將所部還奉本朝唇齒相依同盟而獎王室椅 遣書指不多及 角以進連衡而折冦雠務救災而恤隣且講信而修睦 陷兹塗炭舊都舊邑力雖切於完威我子我臣志豈忘 叛之徒敢肆猖狂之計神州既梗王命未通痛爾士民 勿懷私忿勉就大功期九廟之再安庶兩宫之可復山 於歸戴稍聞忠誼寝效執誠察人意之合符知天心之 河之誓金玉不渝故兹撫諭想宜知悉夏熱汝等好否

當亂世乃見純臣載亮勤誠屢形咨數已加爵命就界 藩方惟神相於至忠矧事從於大誼庶由乃力能 既倡端而效順將相帥以歸真天無疾風安知勁草 ハーフラー ハーラ 勒董震自兵纏雍洛地隅江湖顧王命之未通豈人心 之能固夙宵在念焚灼於懷惟汝克殿 賜新除武節大夫遥郡刺史依前閣門宣贊舍 推商號陝州鎮撫使無知號州董震獎論勅 四 Ð 月 比海県 邦弁連他郡

動唐州官吏軍民等自神州既梗王命遂暌痛爾士民 情免就功名副子嘉尚故兹獎諭想宜知悉夏熱汝比 金少口五人 悔禍各堅爾志還奉本朝唇齒相依同盟而與王室持 於歸戴果聞忠義來效勤誠察人意之合符知天心之 陷兹塗炭售都售邑力雖故於兇威我子我臣志豈忘 好否遣書指不多及 角以進連衡而禦冠雖務救災而邮隣且講信而修睦 賜唐州官吏軍民等撫諭動書四月

知悉夏熱恐等各几好否遣書指不多及 之誓金 京 賜 陽府李横利州觀察使河南府孟汝鄭州鎮撫 衛大夫忠州觀察使神武左副軍統制 就大功期九廟之再安庶兩官之可復 招撫使襄陽府都隨郢州鎮撫使無知 知河南府程琮武功大夫吉州觀察使河 不渝朕所念也爾其怨哉故兹撫諭想宜 州鎮撫使量先武節大夫貴州 西

動好四月全書 蔡州牛卑武功大夫吉州團練使知汝州彭北 武義大夫閣門宣賛舍人鄧州南陽縣界巡綽 偉武經大夫達州刺史知信陽軍趙起武功郎 盗贼牛寶修武郎閣門祇候權河陽安撫使王 閣門宣賛舍人知唐州朱全武異郎閣門宣替 親衛大夫安州觀察使唐州信陽軍鎮撫使知 史無閣門宣發舍人權商號陝州鎮撫使董震 舍人鄧州南陽縣把監官朱力成撫諭勃書

書社稷之敷姑捐爾私共濟國事故兹撫諭想宜知悉 手足之親各務協和更相勉勵期大復祖宗之宇以並 名仗大義以連行要倚輔車之勢肩一心而戮力當如 維亂既極以趨安且惡已盈而將敗賴汝豪傑成此功 歸肆時鎮守之臣迭效忠勤之績每嘉汝志實動予衷 動李横等朕淹汨南邦顧瞻中國神都舊宅猶聞我馬 たいり見んぶう 之依憑亦子遺民特因敵人之驅迫天終助順人果懷

按甲緩兵其少休於士卒拊循凋察勸課耕桑務收綏 靖之功終底和平之福故兹撫諭想宜知悉夏熱汝比 維時鎮守之臣克效忠勤之績每嘉忠志實動予心屬 勒李横等朕失馭中原省方南國眷兹列郡孰保吾民 夏熱汝比好否遣書指不多及 暑候之方炎念戌徒之良苦禦侵待暴姑慎守於封疆 安否遣書指不多及 改賜李横等動書五月十

欽定四庫全書 有初卿等觀光入覲已事告還眷言去路之長屬此歸 有物卿等逐脩方貢來會時巡既入造朝復休就舍載 ていり早いこう 嘉恭順宜賜熊私今差基官賜卿等御筵想宜知悉 北海集卷十七 口宣 高麗使副朝見託歸館賜御宴口宣!!月 高麗使副朝鮮賜御筵口宣 三月二 北海集 基崇禮 撰

宜知悉 歸 省表具知朕權時之宜以宰執大臣通治三省使政事 艎之逃宜頒縣飫以示恩私今差甚官賜卿等御筵想 金りロルと言 治君凤懷王佐之才定應中興之輔項由益禁握 批答 而責任維均庶幾同寅協濟多難柳文能華國道 斷來章批答 賜新除祭知政事張守上表辭免恩命不允仍

久己可良 est 有刺久同難險深諒忠勤肆叛領於中極俾進陪於大 請宜不允仍斷來章批答口宣 政方需偉績勿事固辭今差 胡為謶挹猶爾逡巡其勉就於大功勿徒拘於小節所 命式副疇庸惟卿素推體國之誠顧朕自負得賢之喜 鴻樞雖兵機專帷幄之籌而政柄隔釣衡之地肆從改 賜新除端明殿學士簽書樞密院事趙鼎上表 辭免恩命不允仍斷來章批答 北海集

成出一切豈無事之可議而不獲上聞者卿以直諒之 得言言之患不得行今朝廷遷播國制搶攘政令所施 其志矣方資倚賴冀圖厥功謙抑逡巡非朕所望其祇 **獎病闕失多懷懑不平之氣今而據發猷為可以大伸** 省表具知士大夫好議人矣平居天下之事知之患不 國論以行之於上是用延登廊廟參東樞機顧視前時 資任風憲之責盖常侃侃為朕言之朕既察其忠誠虚 心閉納然徒使卿排擊當權以言之於下熟若其協心

是言也夫建明堂營大厦必求材於梗柳豫章之木顏 省表具知史臣有言用人 深楹棟幹之弗取斷而小之乃以充榱桷之細其可以 之論體兹深眷毋事固辭今差 有勅卿夙懷忠略久著直聲進陪樞筦之司實慰搢紳 **成命勿復重陳所請宜不允仍斷來章批答口宣** 賜新除祭知政事謝克家上表辭免恩命不允 仍斷來章批答 、非難用人盡其才為難誠哉

物論往服已行之命母煩屢至之辭今差 庶幾朕無用不盡才之悔而卿亦獲大展其才輔朕以 有動卵行能高世德望腆時既登貳於政機實允許於 **亟祇乃事毋復重陳所請不允仍斷來章批答口宣** 有為於時矣方宜戮力叶濟囏難辭遜小廉朕所不取 方甫還朝著采之物望副之宿心遂斷不疑雅陪大政 朕之知卿久矣每欲收用而每不果中實無馬召自藩 言用材也與卿識量宏達學術深醇足以任重而致遠

金牙口匠 石書

答口宣 聲遂再安於國步卿之志也何以辭為所請宜不允批 省表具知朕獲承不緒屬此中微方內正於網維且外 自然鎮物肆以上公之重往臨八路之師庶克震於天 攘於暴亂顧文武貳柄不可有分而軍國異容孰能無 任眷我釣衡之老獨髙社稷之功精神足以折衝威望 表辭免恩命不允批答 賜新除都監江淮兩浙荆湖諸軍事吕順浩 比海集

金月四月月 兵權之不一乃煩上室盡督諸軍惟卿慨然自任於安 省表具知卿位隆輔相望重點賢牧野盜師允屬鷹揚 危則朕庶乎少寬於宵旰察农志之咸定何君言之太 之大老新亭止泣豈惟江左之夷吾顧國論之攸同患 安危漁號已行謙辭何有今差 有勅卿中東國釣外嚴師律聳華夷之觀聽寄宗社之 答 賜吕順浩再上表辭免恩命不允仍斷來章批

慎厥付予歷選於聚乃得老成式過其歸引以自近幾 省表具知朕以國勢未安責在輔政之臣懲數易之煩 宣 有勅卿忠惟許國志在康時無隆將相之權無易敷勞 謙其體至懷母為固避所請宜不允仍斷來章批答口 /舊體茲至意勿復重辭今差 ラス ここう 斷來章批答 賜新除祭知政事程汝文上表辭免恩命不允 北海集 五

幾乎精神折衝坐鎮雅俗夫豈勞卿以筋力之事為哉 聞奇論協濟難難卿既幡然而來副朕斯意胡為抗 金万里尼白電 往體至懷母復堅避所請宜不允仍斷來章批答口宣 有動卿三朝舊德當世名臣方圖輔政之功咸有得 猶以衰疾為解顧卿年加而志彌壮養厚而氣愈剛無 之慶亟祇成命勿事勞辭今差 賜新除端明殿學士僉書樞密院事權邦彦 表辭免恩命不允仍斷來章批答

是咨是圖登用之際其何敢易乃者右府虚位陰察在 省表具知朕遭時多難思復大業永惟二三政事之臣 辭遜豈所望哉所請宜不允仍斷來章批答口宣 瑜卿者肆頒顯命擢與籌帷盍體朕知職思其報雅容 有物卿忠純一德夷險百為方登樞客之嚴行決廟謨 尺のり回 からう 廷顧端亮之姿靖重之器更事久慮患深老成可親亡 之勝亟祇乃事庸副朕懷今差 賜新除尚書右僕射同中書門下平章事朱勝

省表具知朕閔國多難需人共濟金穀甲兵之問每至 非辭免恩命不允斷來章机答

朝顧雅望之素髙惜前功之未究俾還分於台揆以對 東於機衡方今狄患猶滋政多外懼邦基未定孰與中 於廟堂鹽梅舟楫之求實勞於嚴野適吾舊德歸造行

解憂朕既急於得賢卿盍思於愛日雍容辭遜豈所望 與惟夙懷許國之誠宜大展匡時之略庶其戮力用克

哉所請宜不允仍斷來章批答口宣

逢恩滌釁當復班聯專節制於元戎寄曲司於環尹時 多虞成命既行謙辭何有今差 答口宣 卿之舊匪朕其私海號已孚謙辭母固所請宜不允批 省表具知卿承家無忝在事有勞坐累謫官既歸宿衛 有勅鄉道可致君忠宜謀國用再圖於舊德以協濟於 賜新除武泰軍節度使郭仲荀上奏辭免恩命 不允批答

金牙四月 在書 省表具知朕體覆載之無私舉恩威而选用顏弭災肆 事飾辭所請宜不允仍斷來章机答口宣 有澤已逮於幽遐忘過念勞電可務於貴近欲壯殿嚴 有勃卿霈澤載更官儀當復爰界將產之舊用的邦典 之勢俾還將鉞之樂邦典有常師言惟穆亟祇休命母 之常宜即祇承勿勤遜避今差 答 賜郭仲荀再上表辭免恩命不允仍斷來章批

往服寵樂奚煩謙避所請宜不允批答口宣 省表具知朕躬祠總章均慶家宇乃眷椒房之 其親肆崇藩聞之儀用光厥族矧即官班一 有物卿服勤嚴陛加寵藩在唯予命渥之新時乃官儀 周辭要地而弗居奉殊庭而自抑於義當得非親敢 /舊奚為固避勿復重陳今差 允批答 賜新除慶遠軍節度使邢煥上 北海県 一表辭免恩命不 改歲律

旅而不足朕豈不欲與二三臣坐論於上無為而用天 髙冠雅容廟堂而有餘時屬多故則躬擺甲胄馳驅軍 金足工匠 石電 省表具知朕惟股肱 祉巫祇茂渥毋飾無辭今差 有勅比推祭澤爰舉邦娶特頒將鉞之華用錫戚藩之 **哉顧方親總六師嘗膽苦志力圖中國之難則夫** 命不允仍斷來章批答 賜同都督江淮荆浙諸軍事孟庾上表辭免 體休成所同世當承平則大衣

省表具知恭惟祖宗慎圖輔臣置相之外别咨其副要 祭政柄出董戎旃以是委卿而不少休息者寧所得已 重寄往圖遠略毋事謙辭令差 往體朕意益勵壯猷辭遜之常於卿可略所請宜不久 有勅卿中縣近輔出董全師揆已武之成功實克堪 仍斷來章批答口宣 斷來章批答 賜新除衆知政事席益上表辭免恩命不允仍 と毎長

宜不允仍斷來章批答口宣 達之才選聚比賢無出卿右斷以必用尚其可解所請 動好四月在書 有勃卵進陪國論允穆師言繼披重複之辭載諭丁寧 **厥次實需其人顧惟器識淵深知略輻湊重厚之質通** 之略別囏虞之際任大事叢急務所先朕何敢忽久虚 之意巫祇承命用副眷懷今差 可否相濟共成厥功大厦非一木之支太平非 賜新除端明殿學士同簽樞客院事徐俯上

省表具知朕惟中與撥亂之圖須人以濟非能越拘攣 次定の車を与 論祭陪樞輔斷用不疑夫君臣之遇固有相得於一言 而知其識耳及出入禁閥累月之間進沃朕心備聞奇 近班而不以為過者盖讀卿之文而知其學察卿之言 之俗求傑異之士則不足與共功乃者召鄉於外直真 章批答口宣 項者則即之用晚矣何以辭為所請宜不允仍斷來 辭免恩命不允仍斷來章批答 3 北海集

恩授受之間存往無憾沒音已布讓避奚為所請宜不 省表具知卿生於戚里而夙敦儒素進由文吏而今享 有動卿夙負壞材起膺迅用覽奏陳之問悉諭旨意以 王封貴豈力求盖本髙門之慶寵非私子實懷先后之 寧往體至懷母為固避今差 批答口宣 批答 賜新除信安郡王孟忠厚上表辭免恩命不允

重惟姑姪之近親疏恩可薄非徒乃寵聊致予恩往體 列武班雖無將相之官已極王侯之爵為慶則厚存心 省表具知卿以方肚之年勵好文之志而地居戚里名 有奶卿地並親賢位無將相進被后家之澤宜膺王爵 至懷毋煩堅避所請宜不允仍斷來章批答口宣 之封已諭至懷母留成命今差 冝然疊露忱辭益知雅尚永念昭慈之盛德流澤既深 賜忠厚再上表辭免恩命不允仍斷來章批答

つい うっこ しこう

16.3

北海集

無賴承家之美克收平國之功姑往定盟即還輔政勉 著進與樞機之任時乃世官出勤船傳之行亦其舊職 我柄臣之重卿奕葉元军熟德相高界歲從班名實成 省表具知兹者上天悔禍强敵欲和眷惟使指之轉緊 金万旦万 之榮鐫諭已周燕辭母固今差 有勃卿項易儒紳載持將鉞既擬公槐之重遂分王社 賜新除端明殿學士同簽書樞客院事韓肖胄 1. Trapale 上表辭免恩命不允仍斷來章机答

省表具知朕慎擇輔臣緬懷舊德適兹虚次趣以來 答口宣 徇安危之 有動鄉選於相閥任以極庭欲圖平國之功遂俾出 事載加鶴諭母復牢辭今差 八見於便朝俾即縣於政路盖知賢而既審則斷 斷來章批答 賜新除參知政事趙鼎上表辭免恩命不允仍 1.1. /計母煩辭遜之文所請宜不允仍斷來章 比每集

有動卿久去中樞比更外鎮既稔隆於物望宜參預於 正司猶貢忱辭用加申諭今差 口宣 謨而今也逢展諒克諧於志願矧兩宫之久隔岩四境 有它勉共遠圖母煩固避所請宜不免仍斷來章批答 之多虞恢定中原撫寧百姓咸卿言之及此豈朕慮之 何疑猶貢封章力辭寵命念昔之去國的未及於謀 賜新除端明殿學士簽書樞密院事胡松年

咨既審登用何疑命不可還辭其母固所請宜不允仍 傑以賛一時帷幄之籌柳處極幾深才優經濟介行 省表具知朕以天步猶難形基未定必求當世搢紳之 有動鄉才就可賴望實既字肆陸秘殿之華便替中 斷來章批答口宣 問從諏訪益見謀散惟克盡於小心知能恤於大事疇 而專對能備察於敵情答使者以受解實參裁於容談 うし ここう 表辭免恩命不允斷來章批答 北海集

	·			en e l'avente d			-
1		73,347	77. 7.22.1	La Caración	Address of the	 1	2
						2	Ŧ)
						T.L	万
						W.	m
1						P.	ā
						2 E	/ 4
11 1						观	堷
!						175	銀分四月百言
11						W.	E
						命	
						数	-
II					,	私	7
[]						之政已頒成命難徇無解今差	•
]]						کید	
11						赋	
1						解	赵
! }						쐿	卷十七
<u> </u>						7	Ł
1						差	
1							
:							
1					ļ		
1						i	
11							
\$							
11						1	
3			i i			- 1	
				II		1	
[[]				•			
K 1							1
			1		· .		į
1	L		7/4 Th 2017	<u> </u>	'		

大三日日 八十万 維紹與二年歲次壬子五月朔日嗣天子日就內中講 延殿開建謝晴道場者伏以有皇上帝陰隅下民屬淫 欽定四庫全書 而有感必通盡掃積除之沙人心喜悦天宇開明爰修 雨之淹期即齊居而致禱惟無憂不燭普矜望嚴之 北海集卷十八 内中講庭殿改作謝晴道場散罷表 非海集 撰

普霑於甘澤顧兹菲德曲荷洪私載惟眷命之休敢怠 熙謝之儀尚卒豐穣之賜臣無任懇祷之至謹詞 憂勤之責邊塵未靖期盡掃於妖氛農精将成尚無傷 日某言伏以罷散天慶觀謝雨道場設醮一 分位者伏以人心関雨書仰叩於高穹帝意佑民遂 樂歲日無任精度激切之至謹奉表奏告以聞 内中謝雨道場罷散朱表 內中祈禱道場罷散表 座三百六

之至 伏以君徳未明豈有讒邪之感天災存至是逢焚灼之 臣言伏為罷散禳謝道場設醮一座三百六十分位者 弭於凶哉惟徳動天敢自忘於修省臣無任精虔激切 於則躬敢陳祈熙之儀庶格精誠之應轉禍為福慎克 位者伏以天鑒溥臨仰著明於垂象星躔變異實證告 臣言伏為罷散內中祈禱道場該醮一座三百六十分 穰謝道堪罷散朱表

城而增感恭惟昭慈獻烈皇后功存神器德被眇躬禮 其官奉表奏告以聞臣其誠惶誠懼頓首頓首謹言 善降祥終底和平之福臣無任精度激切之至 熙儀爰飭精誠庶回昭鑒遇災而懼敢忘修省之勤作 多为正尽石量 雖盡於三年恩則隆於萬世永言悲慕固克勝任謹差 憂顧黎庶之何幸寧高真之或忍是用恭依科教祇列 臣某言伏以喪期有既嗟腳隙之難停祥祭遠臨望栢 昭慈獻烈皇后大祥奏告横宫表文

伏以开土舊傳已舉蔵煙之令稽山新上南縣上家之 一伏以參伏星纏歎隙駒之易失草薰輦路帳羽駕以何 とこうる しょう 伏以曲水傳鶴感流年於景物遺衣在寢追懿範於宫 之恭惟昭慈獻烈皇后徳治官闡功存社稷望住城之 闡恭惟昭慈献烈皇后躬履籍難志存慈儉及芳辰之 永開履芳節以時思東緒難任擬音無盡三月 可樂嗟大養之已違但驚時序之遷空結園陵之戀止 昭慈獻烈皇后科廟畢横官旦望節序表本 比海集

期恭惟昭慈獻烈皇后化洽官闡功存社稷望音容之 伏以候應清和未改春生之德身離供養還悲夏凊之 伏以較雨初濡見農功之畢務公桑載緑感豔事之方 **答慈恩寒食** 與恭惟昭慈獻烈皇后道威母儀徒体坤載望传遊之 推估眇躬未伸孝養之誠忽敦優遊之邀敢忘時薦仰 何所瞻遺範以空存部景易開孝思曷已聖月 期拜掃不親膽思徒切恭惟昭慈獻烈皇后扶持神器

陰功有行即蔗惟而再御安鼎祚以重新遺訓敢忘哀 薦慈顏在慕孝養已違恭惟昭慈獻烈皇后 母道無前 伏以金嵌戢響悲維夏之初薰露麥飛芒感有秋之新 力扶大寳方承顏而盡養乃厭世以登退及兹奉諱之 ·伏以官衣忽掩驚月魄之為輝燧火俄更歎星纏之周 **决隙駒難駐隱馭奚攀恭惟昭慈獻烈皇后德被耿** 如在嗟晦朔之俄周歲月有窮哀思無既四月 展彌切懷思之念四月十 こうう 比海集 四

象恭惟昭慈獻烈皇后聖明超古慈儉自天功萬彤管 之駅已輸改火之期夏清永違時思徒切間四 伏以葉換階莫未變清和之候陰艱宰木重與感慕之 金写でる 之書徳威練衣之訓歲時易失思慕難忘朋四 伏以氣餘當閨寢驚歷候之還月滿正中載感母儀之 懷恭惟昭慈獻烈皇后徳盛四朝功存萬世不返来雲 以星火方中遂正南訊之候陵園永開奚勝東望之 望

懷恭惟的慈獻烈皇后坤載無私母儀有記未極孝心 際炎序載中慈顔水隔恭惟的慈獻烈皇后仁同長養 伏以長夜難展痛泉高之畫掩流年易老感木槿之朝 **護載追懿範第極京你五** 指顧避兵安事於靈符損上壽於憂勤續命空悲於綠 原恭惟昭慈獻烈皇后盛德無名至仁有勇折大奸於 伏以楚俗良時南居浴蘭之節越山住氣遙瞻拱木之 之報忽騰像取之退急景頻遷長東莫既五月 欠巨コ巨 二言 北海华

之養遠從先后之遊廟室猶新始奉麥瓜之薦園林甚 悲恭惟昭慈獻烈皇后早正坤元晚安罪器南致東朝 伏以火脏方升金微初伏仰天時之送運感人意以增 之禮但瞻陵稻之陰感慕增懷追攀勞望聖 達恭惟昭慈獻烈皇后保佑深思慈仁德威縣隔家人 伏以慶集猗蘭載紀抄生之始悲經長樂已嗟大養之 播母儀五月 道極高明緊社稷之再安豈蔗惟之得已空餘女史能

徒感追凉之會寢闡既寂空餘欲清之心威德難名悲 徳邁周任大養已違空感南陔之詠遺芬無盡永傳形 **惊奚叔六月** 伏以日回東井知溽暑之方隆地近南演覺炎蒸之彌 悲夏景将開時思曷已恭惟的慈獻烈皇后功高漢節 伏以月滿相城始見飛螢之度塵昏椒壁還聞促織之 異恭惟的慈獻烈皇后業貽萬世慈化六官陵木已陰 通漸騰松槓之長緬想微音難勝哀绪松

道高往后功冠本朝想神靈之在天望星河而實涕空 管之書六月 金近四月全書 伏以大火西流縣减故宫之暑凉風朝至還悲拱木之 餘熟烈永播鴻名と 優尉之難追感母儀之增菜恭惟的慈獻烈皇后 的慈獻烈皇后儷德乾元齊功坤載年華晚晚 華記親班龍之駕山遙紙氏應同白癬之 達懿烈芬芳但懷思而無戰以月